


Matiu 8



Kum duwamdesiyawa, Gariri dana at Keina apa memgebip eme, Iesu inawa me apa gaibu, memgebip oya Iesu ge aigowawa gaibu munan eb teya uwaya.



Wain onanewa Iesu inawa me gumbé wane, "Mu wain onan." Iesu inawa naueme igiyawa gumbo dirum wane, "Me anin diruipewa undag me gumbé aya."



Iesu mu gumbo wane, "Uinum yoi avenam waramiya noidauwape." Mu yoi avenam waramiya uinum noidauwaya. Meve Iesu me mu dirum wane, "Gare mame di utamiya. Sira buyunai amaraiviwa kokawa gumbe tam aisiya." Mu meib wanewa mina di aya.



3

Sira buyunai amaraiviwa kokawa yoi me tobiyane wain anewa nag anone. Me den yaug anone me ampa onne. Megara naueme igiyawa yoi usiyawa mu yaug anoya. Meve me memgebip abnawa menan auwag, wane, "Bira bira da namu wain dentapama oraiwa tam onampe."




4

"Amdau igiyawa kokavit nape onanapewa meve wain demta onanwa tam onampe. Megara ge di wain oraiwa barauwana wakene gare mame di."



5

Iesu mame irayauyau namuirenwa Gariri dana at Keina apa ane. Me eyawa meuma taibe ane, sira aigowawa anotumat muma me gumbe aya.




6

Meve Iesu Pita gwe meuma uwag gwe danave unigne. Pita nimnagawa vesinwa yuwat amipam aug deriyat egave parau vinivi yaune.



7

Iesu me naniwa yumne, meve yuwat amipam yankwene. Me wan yoine amatog Iesu amara wanne.



8

Kum aigne augoiyau, iyayapan yuwat igiyawa ge airapu kukaeba doramnewa tam Iesu gumbe uwaya. At toimu igiyawa undag ankwin noive agoniya wakeya.



9

Iesu iyayapan obiren yuwat gina ubeube warinamunne. Me airapu kukaeba imne amiya. Me den baina wane airapu kukaeba divi da wape, kuiyawa mu anoya me bira.




10

Mu me gumbe anotan onamiya, sira yuwat warina muntan oya onamiya. Iyayapan mu airapu kukaeba gumbowa warinamunne, sira iyayapan undag Iesu yumtan oya ageyau aya, kuiyawa yusiwa me gumbe uwag on iyayapan undag warinamunivi.



11

Apan duwam ge duwam mu apan amananiwa buburuimusiawa yotug me gumbe onamiya.




12

Me kumive mu oma den ane me aug Iesu gumbe barauya, kuiyawa iyayapan noidauwane. Mu Iesu egave gwanob yayag apan amananiwa buburuimusiawa parauvinne gomaepam murap kwigieneya aigne.



13

Iesu anotumat muma yawamne, meve apan me amananiwa buburuimusiawa gumbe wane, "Utunwa, kukaeba geuma anog yankwene." "Ne ge dirukna, wan yoiya, goma geuma aug gwe aga."




14

Iesu wa danave aignewa aigowawa me amave amiya. Yauya! Taig kokawa awau gumbe uwane, yawarat uwag wa tog umne. Megara Iesu kubvinivi.



15

Iesu me garawa wane, "Ye anotumat yeuma kusikareren, divi oya ye a ene?" Meve me wan yoine, taig ge awau dirumne, meve me memeyaig botone. Apan undag a aya sira singui garawa aya, "Apan mame divi? Taig ge awau noiwa auya."



16

God baigan meuma kokavit at piyu mame gumbe, meoya me Usiwa Desiromiren munne. Bira da me gumbe anotumat apewa me bo den ape inaiinai yaibobot aupe.

40

60

17

Romu 3:23 Iyayapan undag kukaeba aya, meoya God gumbe mu oma den ane eyawa aupe.

Romu 6:23 Kukaeba garawa me bo. Megara God puyowawa me inaiinai yaibobot me Ayapan numa Iesu Keriso nuniviwa.

Ibru 9:27 Iyayapan undag kum da boriruwata, sira pui auta. Me natawa.

Epesas 2:8,9 Ye ano oraiwa gumbe sira anotumat yeuma gumbe waita auyana. Ye yembovit onan, me God puyowawa. Nau gumbe onan. Me bira da den waiyatan oya.

18

Romu 10:9,10 Kuiyawa ge nogap, "Iesu me Ayapan," vegewa, sira nonegap, "God ane Iesu boriruwayawa igiyawa gumbo sira inaine," anotumat egewa, ge waita auwa. Apan nonenmagave anotumat apewa, God namive oraiwa aupe. Sira noiwa gumbe taibe waiwiwa waita aupe.

Jon 3:16,17 God baigan meuma kokavit at piyu mame gumbe, meoya me Usiwa Desiromiren munne. Bira da me gumbe anotumat apewa me bo den ape inaiinai yaibobot aupe. God piyu mame pui yutan oya Usiwa den baraune onne, me piyu mame me gumbe waita muntan oya.

1 Jon 5:11-13 God inaiinai yaibobot aug nunne, sira inaiinai mame Usiwa gumbe wakene. Mame me taibe atanwa. Da bira me Usiwa aunewa me inaiinai aune, sira da bira God Usiwa den aunewa me inaiinai den aune. Ye God Usiwa iviwa gumbe anotumat ene, meoya ne dividivi mame yenan teeni, me inaiinai yaibobot wait auyanawa ye yaug anotan oya.

19

Matiu 8-9; Mak 1-2, 4; Ruk 4, 8; Jon 2

Storyline by: Edward D. Hughes

Illustrated by: Byron Unger, Lazarus, and Alastair Paterson

Adapted by: E. Frischbutter, Sarah S.

Maiwa NT (mti) © 2011, Wycliffe Bible Translators, Inc. All rights reserved.

<https://www.bible.com/bible/360/MAT.1>

©2026 Bible for Children, Inc.

www.M1914.org

www.bibleforchildren.org

20